



25 anos de *Encrucillada*

25 anos: pareceunos que a data merecía unha concesión á Historia. Así recollemos as colaboracións de dous dos primeiros subscritores, que pola súa singularidade merecían tamén a palabra.

Unha é María do Cebreiro Rabade Villar que formalizou a súa subscrición antes de nacer... Escribiunos un poema. Alberte Brenlla, que tiña 15 anos, relata a pequena historia da súa descuberta de Encrucillada.

Agustín Díaz entrevista á nosa secretaria Engracia Vidal, a persoa que máis sabe da historia miúda de Encrucillada.

A FAME

Todo se fixo denso. Polas mans
esvarou un regato de leite sen perfume
e tres pingas de sangue sobre os pés
– a primeira máis sólida.

Dixérache: “non todo o que comemos
ten esta consistencia,
ás veces chega o pan sen levedar
e faise menos duro xantar lágrimas,
cervexa sen fermento,
o pó máis simple”.

Ó norte venden auga de colonia,
pero gástana axiña. Leva spray, é sinxelo;
só precisan premer aquel dispositivo
e o dano é para os dedos, para nós.

Ese aceno de líquido cortado
vólvese transparente, na saída,
ata que o convertemos en átomos de luz.

María do Cebreiro Rábade